

四庫全書

子部

欽定四庫全書

子部

古今姓氏書辨證卷十三

四

詳校官中書臣沈鳳輝

侍讀臣孫球覆勘

膳錄監生臣范維城

膳錄監生臣卞爾巖

欽定四庫全書

古今姓氏書辨證卷十三

宋 鄧名世 撰

十陽

上

陽

出自姬姓晉大夫陽處父為太傅其後有陽畢楚令
尹陽句字子瑕生宮厖尹陽令終令終生完及佗魯
陪臣有陽虎及其弟陽越前燕有北平陽耽其先徙
居北平無終西京雜記司馬相如以所著鸛鵒裘就

市人陽昌貫酒又漢畫工下杜人陽望善布色

楊

周宣王少子尚父封為楊侯其地平陽楊氏縣即漢之河東楊縣也幽王犬戎之難楊侯失國及平王東遷實依晉鄭以楊賜晉武公晉於是并有楊國司馬侯對平公所謂霍楊韓魏皆姬姓是也晉武公生伯僑伯僑生文文生突羊舌大夫也食邑羊舌凡三縣一曰銅鞮二曰楊氏三曰平陽突生職五子赤肸鮒

虎季夙赤字伯華為銅鞮大夫生子客盱字叔向晉
太傅食采楊氏生伯石字食我以邑為號曰楊石又
曰楊食我食我黨於祁盈盈有罪晉并滅羊舌氏叔
向子孫逃於華山仙谷遂居華陰有楊章者生苞朗
欵苞為韓襄王將守修武子孫因居河內朗為秦將
封臨晉君子孫因居馮翊欵為秦上卿生碩字太初
從沛公征伐為太史八子鷄奮翹儵熊喜鷗魁喜字
幼羅漢赤泉嚴侯生數字伯宗赤泉定侯生裔字母

害裔生敬字君平丞相安平敬侯二子忠惲忠安平
頃侯生譚屬國安平侯二子寶並寶字稚淵二子震
衡震子秉秉子賜賜子彪四世太尉震字伯起五子
牧里秉讓奉牧字孟信荊州刺史富波侯二子統馥
十世孫孕孕六世孫渠渠生鉉燕北平郡守生元壽
後魏武川鎮司馬生惠嘏太原郡守惠嘏生謩烈謩
汲郡太守烈平原太守生寧遠將軍祥祥生忠隋太
祖武元皇帝太祖生堅字那羅延隋高祖文皇帝文

帝生太子勇煬皇帝廣煬帝生元德太子昭世宗孝
成皇帝昭生侑倓侗侑鄴國公生行基行基生荼字
德順荼生溫溫生幼言皆嗣鄴公倓字仁安燕王侗
字仁謹恭皇帝煬帝名廣子暕字世胄齊王生正道
唐尚衣奉御正道生崇禮戶部尚書太府卿崇禮生
慎餘慎名慎矜慎餘吏部郎中少府少監慎矜戶部
侍郎生岳州刺史諫慎名洛陽令觀王房本出渠孫
興後魏興平郡守生國國孫紹後周特賜姓屋呂引

氏隋初復舊後以士雄封觀王士雄生恭仁相唐高
祖生思誼思訓思訥思訓左屯衛將軍有傳生左衛
將軍嘉本嘉本生慎交慎交生洄洄生悅自慎交以
下三世為駙馬都尉恭仁弟緄續綱恭道師道續都
水使者弘農公生思簡思祥思止思止字不殆唐潞
州刺史湖城男生執柔執虛愛業執一執柔相武后
師道相唐太宗生豫之士雄弟士貴隋道撫二州刺
史邢國公士達隋納言始安恭侯皆有世系至六世

孫孕五世孫隋輔國大將軍河東公贊生初光祿大
夫華山郡公初裔孫播世居扶風生炎字公南相德
宗炎生朗殿中侍御史漢太尉震子奉字季叔後漢
中書侍郎城門校尉八世孫結慕容氏中山相二子
珍繼珍魏上谷太守生清河太守真真生懿洛州刺
史弘農簡公懿生順津順字延伯冀州刺史三門縣
男徙居河中永樂生琛儀同三司平鄉縣公琛生汪
字元度隋梁郡通守汪生唐庫部郎中令本令本生

友諒志謙志詮友諒吳陵令生宣州司戶參軍珣珣
生釗後賜名國忠相唐明皇事具外戚及姦臣傳四
子暄太常卿曉殿中少監肱鴻臚卿駙馬都尉晞太
子中允志謙生蜀州司戶元琰元琰生殿中監銛次
工部尚書元珪元珪生太僕卿駙馬都尉錡次國子
司業元璩生湖州刺史鑑銛錡鑑皆國忠兄弟也順
弟津字羅漢後魏司空孝穆公三子愔暉岐愔字遵
彥北齊尚書令開府岐王徙居遵武自津及愔並有

名四世同居伯叔兄弟為公卿三十人遵彥生長安
尉行表行表生敏及緄緄字再思相唐武后中宗弟
亮潤寂潤字溫玉唐國子祭酒朔城公生回侃侃白
水令生緄絃繪綰綰字公權相代宗生監察御史宏
微越公房本出中山相結次子繼繼生暉洛州刺史
謚簡暉生河間太守恩恩生越恭公鈞號越公房鈞
生暄字宣和西魏度支尚書生數字文顯後周汾州
刺史臨正壯武公

按隋書數諡忠壯與此本
互異臨正二字亦疑誤

數生素

字處道隋尚書令司徒楚景武公生元獎積善元感
積善上儀同其孫悟靈唐錢塘令生寧州司馬幼烈
幼烈生三水丞藏器藏器生遺直濠州錄事參軍遺
直生發假收嚴發生傑字文逸收字藏之相宣宗嚴
字凜之兵部郎中判度支生涉字文川相昭宗子凝
式有名節自朱梁至周末嘗出仕常稱心疾官至太
子少師素弟約慎岳岳隋萬年令蒼山公生宏禮宏
文宏武宏禮宏武相繼為唐中書侍郎時號楊家二

宏宏禮後為太府少卿宏武相高宗生元亨元裕元
禧元禕元咸皆刺史越恭公次子儉字景則西魏侍
中夏陽靜侯生文昇文休文昇文昇字文殊隋刑部
尚書吳州總管樂昌侯生安仁安仁生德立德立孫
隱朝邵陽令生臨汝令燕客燕客生審及寧寧國子
祭酒四子汝士虞卿漢公魯士分為四院汝士字慕
巢刑部尚書東川節度贈太師三子知溫知遠知至
知溫生開物開物生及善宏善慕義令慶知至生整

協恪貽德虞卿字師臯工部侍郎京兆尹生知退元

孫知權礪思方壇堪知退生贊禹贊圖緒濟

按唐世系表知

退生贊禹贊圖緒濟業五人此脫業一人名

贊禹生澄贊圖生如初韋之

緒生齊業

按唐世系表緒之下不載所生此云生齊業齊蓋濟字之誤復以齊業作一人名誤

元孫生球贊辭球生校六校七知權生甸恂恂生康

兒道冲礪生安期壇生延叟

按唐世系表叟作史此誤

堪生承休

承休生巖字光遠仕吳越為丞相有子八人號吳越

丞相房漢公字用乂天平軍節度使檢校戶部尚書

贈太保生思愿輝籌範諍符知章篆筠籀簾簾管輝生
沼籌生寓範生瑄玢璣瑄生弘毅弘敬弘基弘讓弘
烈玢生思已弘毅生正度弘基生正禮正諫正弁正
表正用正倫正儀魯士字宗尹長安令贈工部尚書
生希古仁瞻思實崇鼎源璫希古生徵仁瞻生峴嶠
思實生敬福郁源璫生雍凡汝士兄弟四人共有二
十七子三十六孫其間多知名者文昇弟文偉儉少
子也隋溫州刺史安平公四子榮士積安濟纂榮生

武州刺史師駕部郎中泰溫令恪恪生國子司業元
表司勳郎中元政元政生殿中侍御史志元志元生
成名成規成名生憑凝凌憑字虛受刑部侍郎京兆
尹生渾之凝字茂功司封郎中生厚之字謙人凌生

同州刺史欽之

案唐世表作
敬之此誤

欽之生江西觀察使戴

字贊業越恭公少子寬字蒙仁暄儉弟也周總管宜

陽公生文紀字溫範隋荊州總管陽山

按隋書文紀
襲封華山郡

公此作
陽山誤

恭公文紀生孝湛孝儼孝儼生宏毅洛州長

史生瑾珪珪辰州司戶參軍生冠俗奉天丞冠俗生
單父尉太清太清生於陵字達夫左僕射弘農郡公
於陵四子景復衛尉卿嗣復字繼之相文宗武宗生
損及授紹復字紹之師復生拙字藏用又後漢益州
從事楊竦破賊有功晉弘農楊氏準有二子喬髦皆
幼喬為裴頠所重髦則樂廣所知準曰我二兒裴樂
所優劣也後周臨汾公楊粦姓越勒氏趙國楊忠姓
普六茹氏儻城公楊紹姓屋呂引氏粦孫宏武忠子

隋文帝紹子雄皆復本姓唐有三王蠻白馬氏之遺種楊劉郝三族世襲為王又松外蠻趙楊李董為貴族

揚

漢成都揚雄字子雲生童烏九齡能與立文今封子雲成都伯從祀文宣王廟

羊

出自周官羊人之後以官為氏梁孝王客有羊勝善

詞賦泰山南城羊氏漢安帝時司隸校尉祿生儒桓
帝時為太常儒生續字興祖懸魚不食者位南陽太
守生京兆太守祕上黨太守衛太常忱祕生魏郡太
守祉車騎掾繇繇生四子秉給式亮晉大鴻臚忱晉
侍中蒙陰侯生楷權楷生中書郎綏權生桂陽太守
不疑綏生孚輔立保立保生繁戎咸繁宋廣州刺史
衛生發承祐發淮北護軍生倫暨伊倫高陽相暨陽
平太守伊鎮南將軍暨生贈太常曼晉廬陵太守耽

曼生貴祕書郎祐字叔子晉侍中太傅鉅平成侯無
子以兄子篇嗣侯位散騎常侍玄孫法興嗣侯黨桓
玄誅耽生右僕射瑾輔國大將軍開府儀同三司甘
露威侯琇瑾生玄之晉開府儀同三司興晉侯唐開
元五年有太子詹事羊師度充營田使後魏羊祉暴
酷人號為天狗赫連勃勃有征東將軍羊狗謹按舊
書云羊舌氏之後有單姓羊者誤矣當羊斟仕宋時
羊舌氏之族方為強家安得單姓之說

洋

揚州海陵多此姓自云因洋川為氏

良

出自姬姓鄭大夫其族有良佐

涼

魏志有昌邑太子太傅涼茂山陽人必其先封於涼
因氏焉

香

士人遊宦南方者云二廣有香氏不知其得姓之因
舊姓書未有此氏謹按劉向新序有香居諫齊宣王
為大室王召尚書書之曰寡人不肖好為大室香子
止寡人也詳此則六國已有香氏今增入

鄉

見姓苑

商

出自商王之後以國為氏紂時有賢人商容周武王

式其間孔子弟子有魯人商瞿字子木澤字子季元和姓纂曰衛鞅封商君子孫氏焉誤矣左傳齊大夫商子車商子游皆為戎御鄭大夫商成公儼司宮者唐貞觀所定揚州廣陵郡四姓其一曰商

房

清河房氏出自祁姓房陵

案舜封堯子丹朱於房為房邑侯春秋時防渚即其

地也秦為房陵郡唐武德為房州陵丹朱之子也

三十五世孫鍾周昭王時

食采靈壽生沈沈十二世孫漢常山太守雅徙清河

繹幕十一世孫植後漢司空植八代孫譙隨慕容德
南遷因居濟南四子裕坦遼熙號四祖裕孫後魏冀
州刺史法壽孫翼仕至鎮遠將軍襲壯武伯二子熊
豹熊字子彪本州主簿生彥謙司州刺史彥謙生玄
齡字喬松相唐太宗天下謂之房杜喬松生遺直遺
則遺愛遺直禮部尚書遺愛駙馬都尉遺直五世孫
階大理寺司直生魯宋詠歸魯生重武功尉重生大
理評事諤諤生從約從繹從絢從綰遺愛有六世孫

復及鄴鄴字正封玄齡齊州臨淄人太尉梁文昭公

河南房氏晉初有清河房乾使北虜留而不遣虜

俗謂房為屋引改為屋引氏乾子孫隨魏南遷復為

房氏後魏殿中尚書武陽公倫生北齊侍中吏部尚

書謨謨生廣深恭懿恭懿隋海州刺史生彥雲彥雲

生元基唐倉部郎中元基生水部郎中元陽元陽生

融相武后融生琯字次律相肅宗琯三子宗偃乘

唐索

世系表

來作表孺復宗偃御史中丞乘祕書郎孺復容州刺

史元基弟元靜膳部郎中清漳公生肱肱生岳巒陟
武式岱密巖岡武興元少尹式宣歙觀察使

防

謹按後漢鍾離意傳意為堂邑令縣人防廣為父報
讎繫獄其母病死廣哭泣不食意憐傷之乃聽廣歸
家使得殯斂丞掾皆爭意曰罪自我歸義不累下遂
遣之廣斂母訖果還入獄意密以狀聞廣竟得以減
死論姓書未有今增入

方

風俗通曰方雷氏之後唐睦州桐廬人方干以唇缺不得第有詩名號元英先生至今為盛族謂之鷓鴣方氏鷓鴣地名也

章

出自姜姓齊太公支孫封國於鄆左傳齊人降鄆子孫去邑為章氏神仙傳有章震望出南郡陳司空章昭達唐右驍衛將軍章承嗣梓州刺史章彝湖州人

循王府長史章廷珪杭州人二族皆望出吳興事見
元和姓纂唐貞觀所定濮州武陽郡七姓泉州南安
郡六姓洪州豫章郡六姓皆有章氏

昌

出自黃帝子昌意之後支孫氏焉望出東海及汝南
西秦有隴西羌將昌何

羌

西羌種族氏焉

姜

出自炎帝生於姜水因以為姓裔孫佐禹治水為堯
四嶽之官以其主山嶽之祭尊之謂之太嶽命為侯
伯復賜祖姓以紹炎帝之後夏商以來分為齊許申
甫四國世有顯諸侯其居戎狄者為姜戎氏田和滅
齊子孫分散漢初姜氏以關東大族徙關中遂居天
水蜀大將軍平襄侯維裔孫明居上邽明後魏兗州
刺史天水郡公生遠後周朝邑縣公生寶誼左武衛

大將軍永安剛公生恪協恪相唐高宗協成紀威公
又秦州上邽人秦州刺史謩諡安子確字行本左屯
衛將軍成襄公生嗣郾公簡地官尚書柔遠二子皎
晦皎殿中監楚國公生太常卿駙馬都尉慶初晦吏
部侍郎 九真姜氏本出天水舒州刺史神翊生挺
挺生公輔復公輔相德宗復比部郎中 廣漢姜氏
詩後漢時人事母至孝有躍鯉之祥西秦天水姜乳
叛乞伏益州討平之晉西夷護軍姜發後秦天水姜

訓為姚萇大將軍掾姜虬為撫軍東曹掾姜紀為揚
威將軍後涼呂光部將姜飛將軍姜顯

長

春秋衛大夫長牂之後有長武子戰國時有長息為
費惠公臣本公明高弟子姓書未有此氏唯千姓編
列為長沮之後按此則周有長氏不必沮後也今增
入

張

出自姬姓黃帝子少昊青陽氏第五子揮為弓正始
造弓矢實張羅以取禽獸主祀弧星世掌其職賜姓
張氏周宣王時有卿士張仲其後裔事晉為大夫張
侯生老老生君臣君臣生趙趙生貉其孫曰抑朔至
三卿分晉張氏事韓韓相開地生平凡相五君平生
良字子房漢太傅留文成侯生侍中辟疆及不疑生
典典生默默生大司馬金金生陽陵公乘千秋字萬
年千秋生嵩嵩五子壯讚彭睦述壯生裔裔生皓字

叔明後漢司空世居武陽捷為皓生字北平范陽太

守避地居萬城

案唐世系表萬城作方城或因方萬二字破書之誤

宇孫肥如

侯孟成生平魏漁陽郡守平生華字茂先晉司空壯

武公二子禕韙禕字彥仲散騎侍郎生輿字公安太

子舍人襲壯武公生次惠宋濮陽太守二子穆之安

之安之之族徙居襄陽穆之宋交州刺史安之宋青

州主簿生弘策字真間梁衛尉洮陽閔侯弘策生經

後周上士隋巴州錄事參軍經生澧陽令則則生益

府功曹參軍元弼元弼生漢陽王東之相武后中宗
遣晉散騎常侍隨元帝南遷寓居江左六世孫隆太
常卿復還河東後徙洛陽生子犯子犯生俊河東從
事生戈字嵩之周通道館學士戈生洛洛生隲字成
隲洪洞丞隲生光珪說說字道濟相睿宗明皇生均
均叔 河東張氏出晉司空華裔孫吒子隋河東郡
丞自范陽徙居河東猗氏生長度銀青光祿大夫長
度生俊興相國府檢校郎將俊興生思義唐成紀丞

思義生嘉貞相明皇嘉貞生延賞初名寶符相德宗
延賞生弘靖字元禮初名調相憲宗時號三相張家
弘靖生文規桂管觀察使次宗舒州刺史嘉貞弟嘉
祐左金吾將軍相州刺史始興張氏亦出自晉司

空華之後隨晉南遷至君政因官韶州曲江君政韶
州別駕生子虔子胄子胄生宏臧宏毅宏智宏愈宏
愈索盧丞生九齡九臯九齡字子壽相明皇天下謂
之曲江公生右贊善大夫拯九臯殿中監南康縣伯

生捷擢拱撫抗抗生仲端仲膺仲宗仲基

案唐世系表仲基作

仲基

仲方仲孚仲方祕書監曲江成伯有傳九齡子孫

曾孫皆一人四世孫二人五世孫四人六世孫七人

七世孫十七人八世孫三十一人 馮翊張氏出後

漢司空皓少子綱字文紀後漢廣陵太守曾孫翼字

伯恭蜀冀州刺史子孫自捷為從下邳德言龍州刺

史生策策生仁愿相唐中宗仁愿生之輔金吾衛將

軍之輔生通儒及知微 吳郡張氏本出嵩第四子

睦字選公後漢蜀郡太守始居吳郡裔孫顯齊廬江

太守生紹梁零陵郡守紹生冲字叔元隋漢王侍讀

冲生後允字嗣宗國子祭酒十一子震濟謙遜

案唐世系

表孫作興

律師小師統師豐仁彥師瑾道師律師王府諮

議參軍生繼本義方承訓承續義方字子儀邢州刺

史生府正朔方節度府正生鑑字貴權

案唐世系表貴權作李權

相德宗清河東武城張氏本自漢留侯良裔孫司

徒歆歆弟協字季期衛尉生魏太山太守岱自河內

徙清河曾孫幸後魏青州刺史平陸侯生準陳

系唐

表陳

作東青州刺史襲侯生靈真靈真生彞隋末徙魏州

昌樂彞字慶賓後魏侍中平陸孝侯生始均光祿卿

平陸侯始均生景之

案唐世系表景之作晏之

北齊兗州刺史恭

公景之生虔虔威虔雄虔隋陽城令生文僖文瓘文

瓘字稚圭相高宗文瓘弟文琮吏部侍郎文收太子

率更令文琮生戡挹錫戡江州刺史挹比部郎中錫

相韋后周有司城中大夫虞鄉定公羨

案唐世系表羨之後為河

間張氏此相韋后下
應有河間張氏四字

賜姓叱羅氏生照照字士鴻隋

冀州刺史復姓張氏三子惠寶惠瑤惠珍惠寶絳丞

惠瑤瓜州司馬生祖政祖令惠珍孫約通通曹州刺

史生寂孝開寂生遊藝遊藝生昇兄兌生蘭溪令綢

綢生君卿正字君卿生楊字公表天平軍節度使三

子文蔚字在華相哀帝為朱全忠脅傳禪又相全忠

弟濟美字舜舉貽憲字去華寂弟孝開蒲州刺史生

洪州都督知久知久生汝州刺史栖真栖真生感

唐 宗

世系表
感作成

感生應安南都護應生仲素中書舍人仲素

生鐸鐸生濬字禹川相昭宗 中山張氏漢丞相北

平文侯蒼之後世居中山義豐長諧生行鈞行成行

成相唐太宗高宗生洛客梁客洛客生翁喜彥起

魏郡張氏世居繁水公謹生宏慎襄州總管鄴襄公

三子大象戶部侍郎大素給事中大安相高宗生洽

左金吾將軍沅同州刺史浚侍御史 汲郡張氏世

居平原越州司馬善見生荊州戶曹參軍武定武定

生代州司功參軍知古知古生鎬字從周相肅宗所
謂用之則為帝王師者 鄭州張氏亮相太宗生慎
微元和姓纂曰唐有安定范陽太原南陽燉煌修武
上谷沛國梁國滎陽平原京兆等四十三望大抵皆
留侯遠裔孔至姓氏雜錄曰唐初定清河張為乙門
又曰唐張大師延師儉師兄弟三人並列戟時稱三
戟張家又有張沛洽涉兄弟亦同時列三戟又開元
中張說張嘉貞同時入相互為中書令時稱大張令

小張令又唐張萬歲及其子思廉思廉子景三世為
太僕後漢書有交趾張游內附封歸漢里君巴人張
翕為越雋太守得夷人和益州刺史張喬漢陽太守
張貢並為護羌校尉謁者張鴻擊滇吾羌隴西太守
張紆放遣迷吾羌燉煌太守張璠陳破羌三策交趾
刺史張喬平蠻夷

襄

後漢襄楷字公矩平原隰陰人晉五官襄珍巴西人

以郡降李蕩

相

姓苑音湘

將

姓苑曰石趙有常山太守將容

莊

史記西南夷傳云始楚莊王時使將軍莊躋將兵畧巴蜀黔中以西躋者故莊王苗裔是也春秋時宋大

夫莊朝莊革戰國有蒙漆園吏周著莊子書蜀人君

平桐廬人光字子陵至漢避諱改為莊氏

案漢明帝諱莊故莊

氏俱改為嚴氏此作改為莊誤

嘗

風俗通曰齊孟嘗君之後氏焉

常

出自姬姓唐新豐常氏咸安令緒生杞王府司馬毅

毅生楚珪楚珪四子三原丞無畏

按唐宰相世系表無畏作無為

生

家相代德二宗後燕有中書令忠北燕有黃門郎陋
後趙冉閔僭位命常煒聘南燕慕容儁以為廷尉監
霜

出姓苑

欽定四庫全書

古今圖書集成
卷十三

--	--	--	--	--	--	--	--

欽定四庫全書

古今姓氏書辨證卷十四 宋 鄧名世 撰

十陽下

王

周靈王太子晉八世孫錯為魏將軍生賁為中大夫
賁生渝為上將軍渝生息為司寇息生恢封伊陽君
生元元生頤皆以中大夫召不就生翦秦大將軍生
賁字典武陵侯賁生離字明武城侯二子元威元避

秦亂遷于琅琊後徙臨沂四世孫吉字子陽漢諫議大夫始家臯虞後徙臨沂都鄉南仁里生駿字偉山御史大夫二子崇游崇字德禮大司空扶平侯生遵字伯業後漢中大夫義鄉侯二子昔音音字少元大將軍掾四子誼敵典融融字巨偉二子祥覽祥晉太保睢陵元公覽字元通晉光祿大夫即丘正子祥五子肇夏馥烈芬肇晉給事中始平太守生俊晉太子舍人永世侯俊生遐晉光祿大夫遐生恪臻恪領軍

將軍臻崇德衛尉恪生豫章太守欣之廣州刺史懼
之馥晉上洛太守睢陵孝侯生根晉散騎郎嗣睢陵
侯覽六子裁基會正彥琛裁字士初晉撫軍長史襲
即丘子基字士光晉治書御史會字士和晉侍御史
正字士則晉尚書郎彥字士治晉中護軍琛字士瑋
晉國子祭酒裁生導穎敞導字茂弘晉太傅大司馬
丞相始興文獻公生六子悅恬洽協劭薈悅字長豫
始興世子生混字奉正晉丹陽尹贈太常生二子嘏

字偉世宋中領軍尚書侍中始興公誕宋輔國將軍
生詡早卒恬字敬豫晉中軍將軍生浩洽字敬和晉
中領軍生珣珉珣字元琳晉車騎將軍開府東亭獻
穆侯珉字季琰晉太常珣生弘虞柳孺曇首弘字休
元宋錄尚書事太保中書監文昭公生錫字寡光宋
江夏內史三子齊華容侯僧亮宋侍中僧衍宋黃門
郎僧達僧衍生茂璋梁黃門郎僧達生道琰宋廬陵
內史虞字休仲宋廷尉卿生深宋新安太守柳字休

季宋光祿大夫東亭侯生猷字世倫梁侍中東亭康
侯生瞻梁侍中吏部尚書生玄孺宋光祿大夫四子
遠字景舒宋光祿勳微字景立宋秘書監中書侍郎
僧謙宋太子舍人僧綽宋金紫光祿大夫豫寧愍侯
遠生僧祐齊黃門郎生藉齊中散大夫僧綽二子儉
字仲寶齊太尉南昌文憲公遜晉陵太守儉二子騫
字思寂梁金紫光祿大夫南昌安公暕字思誨梁國
子祭酒騫生規字威明梁金紫光祿大夫南昌文侯

按唐世系表
文侯作章侯

規生褒字子淵後周光祿大夫少司空

石泉康侯暕三子承字安期梁黃門侍郎幼梁東陽

太守訓字懷範梁侍中曇首宋侍中太子詹事豫章

文侯生僧虔齊司空豫寧簡穆侯五子慈字伯寶齊

太常豫寧懿侯志字次道梁金紫光祿大夫楫梁太

中大夫彬字思文梁秘書監寂字子元梁秘書郎慈

生泰字仲通梁驍騎將軍生廓楫生筠字元禮梁太

子詹事生祥陳黃門侍郎珉二子朗練宋侍中導第

四子協字敬祖晉元帝撫軍參軍武岡侯生謚字稚
遠宋司徒武岡文恭侯三子瓘球琇球字菑玉宋特
進金紫光祿大夫生與齊雖州刺史導第五子劭字
敬倫晉車騎將軍生三子穆字伯遠晉臨海太守默
晉右光祿大夫恢晉右衛將軍穆三子簡宋五兵尚
書智及超默三子僧朗鑒惠僧朗宋右僕射生楷粹
或楷宋太中大夫生蘊字彥深宋黃門侍郎吉陽男
粹字景深齊黃門侍郎生份字季文齊左光祿大夫

丹陽尹或字景文宋開府儀同三司三子絢字長素
宋秘書丞績字叔素齊太常約梁侍中尚書廷尉績
生雋齊建安太守生克陳左僕射導第六子蒼字敬
文晉衛將軍生廐懌廐晉吳國內史生泰華華字子
陵宋侍中右將軍新建憲侯生定侯嗣爵定侯生長
及佟皆嗣侯懌生琨齊左光祿大夫基生含敦含字
處弘晉光祿勳驃騎將軍生瑜晉散騎常侍敦字處
仲晉大將軍生應晉武衛將軍會生舒邃舒字處明

晉車騎大將軍儀同三司彭澤穆侯生晏之允之晏
之晉護軍參軍生崑之嗣侯生陋之正生廙曠彬廙
字世將晉侍中驃騎將軍生東海內史頤之晉司州
刺史胡之晉中書郎耆之晉鎮軍掾羨之胡之生茂
之承之和之茂之晉陵太守生裕之宋儀同三司生
恢之瓚之昇之昇之宋都官尚書生齊吳興太守秀
之左僕射延之秀之生峻梁金紫光祿大夫延之生
綸之齊都官尚書耆之生隨之晉上虞令生鎮之宋

宣訓衛尉弘之不仕鎮之生標之宋安復令弘之三
子羅雲宋西平長史曇生宋太常卿普曜宋秘書監
羅雲生思立思正思遠普曜生齊太子少傅晏廣州
刺史詡晏生德元宋車騎長史羨之生晉郎中令偉
之偉之生韶之宋祠部尚書韶之生暕宋臨賀太守
曠晉淮南太守生羲之晉金紫光祿大夫羲之生玄
之凝之渙之肅之晉驃騎咨議徽之晉黃門郎操之
晉豫章太守獻之晉光祿大夫徽之生禎之晉侍中

獻之生靖之宋司徒左長史靖之生悅之宋侍中彬
生彭之晉黃門郎彪之晉儀同三司翹之晉光祿大
夫彪之二子越之臨之臨之生納之瓌之納之生淮
之淮之生興之瓌之生逡之翹之生望之琛生稜侃
興之生進之進之生清自吉以下更魏晉南朝一家
正傳六十三人三公令僕五十餘人侍中八十人吏
部尚書二十五人石泉康侯褒生鼎字玉鉉隋安都
通守石泉威明侯生宏讓宏直宏讓字恭宗

按唐世
系表恭

宗作敬宗

隋中書舍人專掌機密生方士方則方泰方士

字元逸臨邛令生沂州司馬崇禮方則字元憲光祿

卿生蘭州刺史景益州倉曹參軍晏好時丞昱夏州

長史昇方泰字元敏太府少卿生馮翊丞鴻宏直字

長宗魏州刺史生緘續績緙緘字方舉隨州司馬

生思息

按唐世系表思息作思哲

思恭續字方紹羅州令生愔績

字方節越王府法曹參軍生思崇

按唐世系表思崇作思敬

緙字

方慶相武后生晞晦暉晔晔晔昕暉暉晞字光烈

鄆州刺史襲石泉侯生定州刺史補字靈龜及舒州
刺史僉補生濡膳部員外郎黃州刺史四子其顯者
曰沂州觀察使遂澄洋州刺史五子沐淮皆御史中

丞三子濟尚衣奉御一子沼集州刺史一子五孫潤

按唐世系
表潤作浦

杭州別駕七子其顯者天平軍節度使源

中字正蒙潤汝州長史五子其顯者福建觀察使源

植源植七子少子祝字不耀給事中僉三子四孫晞

弟晦字光遠皦字光輔皦生寵宰寵生揚州錄事參軍

仲連仲連生紹紹生璵相肅宗璵生及中書舍人及

生鍼字聲仁右諫議大夫鍼生博

按博唐世系表作搏本傳作博字

昭逸相昭宗三子倜倓倫晞弟晔字光賓殿中侍御

史四子五孫璿殿中侍御史一子駿字光庭明威將

軍三子七孫十一曾孫暄字光範明威將軍三子五

孫昕字光業忠王司馬無子暉字光緒萬州司馬暉

字光嗣安化郡司馬皆三子又宏直弟宏度宏仁宏

義宏訓宏道宏藝及其六子八孫方慶弟緄及三子

皆以名見唐表正字正則晉尚書郎三子廙彬彬
字世儒尚書右僕射謚肅侯彬生二子彭之彪之彪
之字叔武尚書令謚簡二子越之臨之臨之生納之
皆御史中丞納之生淮之字元魯宋丹陽尹生興之
征虜將軍興之生進之梁左衛將軍建寧公進之生
清安南將軍中盧公清生猛陳東衡州刺史三子縉
纘纘纘鼓旗將軍楚州刺史生德儉字守節歸仁縣
男生璿字希琢相武后璿七子 太原王氏出自離

次子威漢揚州刺史九世孫霸字孺仲居太原晉陽
後漢連聘不至霸生咸咸十九世孫澤字季道鴈門

太守生昶字文舒魏司空京陵穆侯二子渾濟

按晉書渾

昶之子湛渾之弟濟乃渾之子也此作昶二子渾濟濟生湛誤

渾字元冲晉錄尚書

事宗陵元侯

按晉書渾襲父爵京陵侯此作宗陵元侯宗乃京字誤也

生湛字處

冲汝南內史生承字安期鎮東府從事中郎藍田縣

侯生述字懷祖尚書令藍田簡侯生坦之字文度左

衛將軍藍田獻侯所謂江東獨步王文度生愉字茂

和江州刺史生緝散騎侍郎緝生慧龍後魏寧南將軍四子遵業廣業季和號四房王氏宋王玄謨字彥德太原祁人自序云六世祖宏河東太守縣竺侯以從叔允之難棄官北居新興仍為新興鴈門太守祖牢仕慕容氏為上谷太守父秀早卒玄謨左光祿大夫開府儀同三司領護軍將軍南豫州刺史加都督諡莊子深深子績嗣深弟寬光祿大夫寬弟曠字明遠永嘉太守玄謨從弟玄象下邳太守玄謨從父蕤

東莞太守子元載字彥休兗州刺史謚烈弟元邈字

彥遠齊護軍雍州刺史壯侯太房王氏遵業黃門郎

生長明松年松年字北節

按唐世系表松年北齊黃門侍郎此作字北節字疑

衍節疑誤

黃門侍郎高邑平侯生劬規劬字君懋隋秘書

少監生孝京孝柔孝京揚州司馬生子奇子真子奇

青州司戶參軍生慶賢慶祚慶符慶詵慶元慶賢美

原丞生光謙淮陰令光謙生翽翽尚翽翽吏部郎

中

按唐世系表翽吏部侍郎

生河東令重重生文仲君仲英仲

按唐

世系表英仲
俱作衆仲

英仲衢州刺史生凝字成庶宣歙觀察

使諡正翺陽翟尉生勲堪定陵令生聰聰生溥字德
潤相昭宗第二房王氏廣業後魏太中大夫生野父
北齊膠州刺史次曰第九次季真凡三子三孫九曾
孫四世至十一世孫又四十九人並以名見唐表

河東王氏其先出琅邪儒賢趙州司馬生知節揚州
司馬知節生曹協律郎曹生處廉汾州司馬處廉
生維縉縉絃統維字摩詰尚書右丞縉字夏卿相

代宗 初縣王氏唐時稱烏丸王氏今避御嫌名因

改之霸長子殷後漢中山太守食邑初縣四世孫寔

按唐世系表四世孫寔三子允隗懋寔字下脫三子二字允隗懋懋後漢侍中幽

州刺史六世孫光後魏并州刺史生景按唐世系表景作罔度

支尚書護烏丸校尉廣陽侯因號為烏丸王景生

神念梁冀州刺史壯侯北齊亡徙家萬年神念生僧

辯太尉永寧公僧辯生顓陳侍中樂陵太守顓生珖

珖珖字叔玠相唐太宗生崇基及南城縣男欽直按欽

直唐世系
表作敬直

崇基主爵員外郎生體仁尚逸齊望茂時

齊望通州刺史生左司郎中曉

按曉唐世
系表作旭

酷吏也茂

時生司勳郎中光大給事中燾燾生大理少卿遂蘇

州刺史邁度支尚書廣陽侯景五世孫元政幽州別

駕生實安吉令實生祚青州司馬祚生晃温州刺史

三子沼禮部郎中潔國子司業涯字廣津相憲宗文

宗涯生孟堅工部郎中集賢院學士仲翔太常博士

中山王氏亦出晉陽永嘉之亂涼州參軍王軌因

官家馬子孫居武威姑臧五世孫橋字法生侍御史

贈武威定王生叡封中山王號中山王氏後徙樂陵

叡字恪誠後魏尚書令中山宣王生襲字光孫

按光孫唐

世系表作元孫

吏部尚書中山惠王襲生忻散騎常侍肆州

刺史諡穆生子景及真子景北豫州司馬生元季隋

大中正開府儀同三司元季生有方岷州刺史有方

生長安尉行果行果生駿相明皇唐汾州長史王滿

亦晉陽人生大進嘉州司馬二子昇昇咸陽令生

恕字士寬揚府倉曹參軍恕三子播起炎播字明揚
相文宗生秘書丞鎮京兆府參軍冰起字舉之魏郡
文懿公生武寧節度使式沂東觀察使龜字大年汝
州刺史鐸字德耀鐸弟鑄字台臣炎字逢時太常博
士生鐸字昭範相僖宗龜生右司員外郎堯堯生權
及定保字翊聖權字秀山華陰王氏後徙京兆新
豐孝傑相武后生左驍衛將軍無擇京兆王氏其
先亦姬姓元和姓纂有居剡縣者曰東海王氏秦州

者曰天水王氏同州者曰馮翊王氏鄆州者曰東平
王氏萊州者曰東萊王氏潭州者曰長沙王氏山陽
者曰堂邑王氏又曰金城王氏曰廣漢王氏曰新蔡
王氏曰新野王氏曰章武王氏曰廣陵王氏曰聊城
王氏曰長安王氏曰高陵王氏曰河內王氏曰河間
王氏曰藍田王氏曰上黨王氏曰鄴郡王氏曰廣平
王氏曰華陰王氏曰樂陵王氏凡新望二十四及祁
縣諸房琅邪諸房皆子晉後出自晉陽顯於唐而有

世系者京兆王氏出自姬姓周文王少子畢公高之後封魏至昭王彤生公子無忌封信陵君無忌生間憂襲信陵君秦滅魏間憂子卑子逃難于泰山漢高祖召為中涓封蘭陵侯時人以其故王族也謂之王家卑子生悼悼生賢濟南太守宣帝徙豪傑居霸陵遂為京兆人賢七世孫黨上郡太守卑子九世孫遵字子春後漢河南尹上樂莊侯遵生魴魴孫康康生諶諶生鵠魴別孫景生均忠均八世孫罷後魏雍州

刺史萬年忠公仕周為同州刺史死葬咸陽鳳栖原
子孫因家杜陵罷生慶遠明遠明遠周司金上士生
壽隋州都士職主簿壽生河西令詰詰生蒲州長史

慶慶五子易從恭從

按恭從唐世
系表作敬從

擇從朋從言從易

從揚州刺史生賓寔宥密定恭從右庶子生寥擇從
京兆士曹參軍生察易從擇從朋從言從兄弟四人
皆擢進士第至鳳閣舍人者三人故號鳳閣王家自
是訖大中時登進士第者十八人位臺省牧守者三

十餘人擇從大足三年登第先天中又應賢良方正
制舉升乙第充麗正殿學士子察至德二年登第終
連州刺史察生自立縵氏令自立生微字昭文相僖
宗贈太尉諡正子三人椿樗松均登第忠七世孫直
瓜州刺史生武宣長諧武宣岳州刺史生德本德真
德本鄧州刺史德真相高宗武后生九思三原令九
思生潛坦裔長諧生德元倉部郎中德元生九功九
言士會九言駕部郎中滄州按滄州唐世
系表作并州司馬士會

陸渾令元和姓纂有山陽王氏高平澤州王氏皆與
京兆同出 汲郡王氏一曰河東潞縣王氏出自子
姓商王子比干之後比干以正諫為紂所殺子孫居
朝歌因氏焉 北海劇縣王氏一曰青州王氏出自
嬀姓舜後陳公子完奔齊為田氏裔孫和取齊自王
秦滅齊項羽封其孫田安為濟北王齊人以其後為
王家因氏焉 陳留王氏居宋州與北海同出 河
南王氏其先代人姓拓王隨魏南徙居中國始改為

王氏後魏安康公王瑜是也 營州王氏本高麗之

族朔方軍將虔威

按虔威唐世系表作虔威

生司空霍國武烈公

思禮有傳

安東王氏本阿布思之族隸安東都護

府曰五哥為左武衛將軍生末怛活唐左金吾衛大

將軍末怛活生升朝檢校太子賓客樂安郡王升朝

生庭湊成德節度使庭湊生元逵檢校司空平章事

元逵生紹鼎檢校左僕射紹懿

按紹懿唐世系表作昭懿

檢校司

空紹鼎生景崇檢校太傅中書令常山郡王景崇生

鎔太尉中書令趙王五世為成德軍節度使鎔生昭

祚河內王氏其先太原人世居祁縣復徙平州至

緡從侯希逸南遷遂居河內溫縣右武衛大將軍靖

生唐左金吾衛大將軍瓌瓌生緡太子詹事緡生智

興字正諫

按正諫唐世
系表作匡諫

寧武軍節度使守太傅鴈門

郡王生晏平永州司戶參軍宰太原節度使宰初名

晏宰其弟曰晏翼晏寶晏恭晏逸晏琛

按晏琛唐世
系表作晏深

晏斌晏韜

匡

太祖皇帝諱上一字其地乃孔子所畏者宋改為主
氏政和中多忌諱官文書不得以主為人姓又改曰
康氏

芳

風俗通漢有幽州刺史芳華敷

按華廣韻作
來通志作垂

謹按後

漢馮異傳有賊芳丹據新豐續漢書芳作茅

狂

謹按左傳宋大夫有狂狡則狂人氏也姓書未收今
增入

陽成

風俗通漢諫大夫陽成公衡功臣表梧侯陽成延傳
封四世元康四年詔復延玄孫之子梧公士注王莽
時陽成脩獻符命成一作城

陽丘

元和姓纂曰楚大夫食邑陽丘以為氏

楊孫

秦大夫楊孫為穆公戍鄭密謀取鄭事覺奔宋子孫以王父字為氏

羊舌

出自姬姓晉公室十一族其一食邑羊舌以邑為氏
羊舌大夫突生職職生赤字伯華肸字叔向鮒字叔
魚虎字叔虎季夙字叔羆凡五子赤生子容肸生伯
石杜預釋例曰或曰羊舌氏姓季名果有人盜羊而

遺其頭不敢食受而埋之盜事發詞連季氏季氏掘
羊視之以明已不食唯識其舌存而得免因號羊舌
氏

羊角

春秋衛大夫食采羊角以邑為氏

梁垣

陳留風俗傳曰畢公之後新垣演居大梁之墟子孫
氏焉漢光武御史梁垣例字惠伯又武陵太守梁垣

成

梁餘

春秋晉大夫梁餘子養之後謹按韓氏餘子為韓餘
傅氏留於巖者為傅餘則梁氏在故國者宜曰梁餘
也

梁于

元和姓纂曰晉下軍御梁餘子養之後衛人也亦作
梁于氏

梁石

漢隱者梁石君曹參所禮者

商丘

出自高辛氏閼伯為陶唐火正居商丘主祀星辰其
後以地為氏列子有商丘開

商密

元和姓纂曰楚大夫以地為氏謹按左傳注商密都
別邑後為楚所并其地南陽丹水縣是也

房當

唐時党項以姓別為部有房當氏

防風

出自漆姓古諸侯汪芒氏之君其後有防風者強狠
不順禹合諸侯於塗山執玉帛者萬國防風後至禹
戮之子孫為長狄大人梁任昉述異記曰吳越間有
防風廟土木作其形龍首牛耳連眉一目昔禹會塗
山誅防風其足長三丈其頭專車南中有民姓防風

氏即其後也皆長大越俗祭防風神奏防風古樂截竹長三尺吹之音如狗嗥三人披髮而舞

章仇

元和姓纂曰齊公族姜姓之後本章弇其後避仇遂加仇字為章仇氏長安元年右史知貢舉張說下進士章仇嘉昂河間章仇大翼善天文煬帝賜姓盧氏天寶劔南東川節度戶部尚書章仇兼瓊代居兗州生湛

羌憲

世本曰衛公族羌之孫憲為羌憲氏

羌丘

出姓苑

羌師

世本曰衛公族有羌師氏

相里

晉有相里夫五代時有相里金按僧道世撰法苑珠

林言相里出鄭大夫子產之苗裔昔子產之生執拳而出啟手觀之文武相里因以為氏此釋子好怪之言不足信也

將閭

出自秦公子將閭之後以字為氏謹按元和姓纂曰漢藝文志有將閭子著書名菟誤矣此莊子所謂蔣閭菟者林氏以蔣為將以菟為菟

將軍

世本衛靈公子鄆生文子彌牟為將軍氏禮記將軍
文氏是也

將梁

史記嬴姓之後分封以國為姓有將梁氏

將其

英賢傳齊公子將其之後以字為氏

王史

風俗通曰周先王太史其後號王史氏英賢傳曰周

共王生圉圉曾孫浦生簡簡生業業生宰世傳史職
因以官為氏漢清河太守王史篆生新豐令普漢藝
文志禮家有王史氏二十一篇注七十子後學者劉
向別錄云六國時人按此人即宰之後篆之先也

王孫

出自周王之孫仕諸侯者別為王孫氏吳有王孫雒
齊有王孫揮而賈之子王孫齊諡昭子皆以為氏者
又伍員自吳使齊託其子於齊為王孫氏

王叔

出自姬姓周襄王季父王子虎為太宰諡文賜族曰
王叔氏謂之王叔文公其後有王叔桓公王叔陳生
皆為卿士陳生奔晉其後為晉人

王官

出自晉戎御大夫王官無地之後

王子

元和姓纂曰周大夫後漢有王子中同治尚書今詳

漢人多以姓名字連稱得非王同字子中乎又謹按
春秋鄭大夫有王子伯駢王子廖正周王庶子仕鄭
以王子為氏

王人

風俗通曰王人子突之後因氏焉漢有東平太守王
人宰公

長勺

周成王分魯侯伯禽以商民七族其一曰長勺氏春

秋魯莊公及齊人戰于長勺即其地也

長蘆

元和姓纂曰列子楚賢者長蘆子著書九篇藝文志
注曰楚人按莊子以蘆為蘆

長魚


春秋晉厲公嬖人長魚矯之後

長狄

元和姓纂曰郟瞞長狄之後複姓

長吾

元和姓纂曰莊子有長吾子謹按莊子以吾為梧



欽定四庫全書

子部

古今姓氏書辨證卷十五至十八

詳校官中書臣沈鳳輝

侍讀臣孫球覆勘

膳錄貢生臣程廷璋

膳錄監生臣俞光豫

欽定四庫全書

古今姓氏書辨證卷十五 宋 鄧名世 撰

十一唐

唐

出自祁姓帝堯初封唐侯其地中山唐縣是也舜封堯子丹朱為唐侯至夏時丹朱裔孫劉累遷於魯縣猶守故封商更號豢韋氏周復改為唐成王滅唐以其地封弟叔虞為晉侯更封劉累裔孫在魯者為唐

侯以奉堯祀唐州方城是也初成王滅唐時子孫散
在諸侯以國為氏春秋時鄭有唐荀楚有唐狡其後
魏大夫唐睢年九十餘有名於戰國睢孫厲居沛漢
斥丘懿侯生朝朝生賢賢生遵遵生中郎將蒙蒙生
臨邛令都都生倫倫生林尚書令王莽封建德侯林
生蔚徙居潁川生武威長惠惠生侍御史賁賁生大
司空珍珍生會稽太守瑁瑁生翔為丹陽太守因家
焉二子固滂固吳尚書僕射生別部司馬璜璜生宣

宣生晉鎮西校尉上庸襄侯彬字儒宗二子熙極熙
太常丞娶涼州刺史張軌女永嘉末遂居涼州生鄆
字子產仕前涼凌江將軍徙居晉昌七子伯廉威季
賢幼賢孝達季禮威為永世令生弘三子瑤偕諮號
三祖瑤字昌仁西涼晉昌太守永興侯生契和契字
永福伊吾王生褒字元達後魏華州刺史晉昌公褒
生茂字興祖散騎常侍秦州刺史茂生文祖翼曉保
建文祖散騎常侍翼字保相後魏涼州守五子十五

孫三十九曾孫三十四玄孫曉字保光後周瓜州刺史
史保建後周姑臧公褒弟純字元粹後魏太原太守
生令世令世生靈之北齊尚書左僕射溫國公靈之
生邕邕生義鑒鑒隋雍州太守晉昌公生憲字茂彝
唐雲麾將軍安富縣公憲弟茂純茂琅儉敏茂純右
勳衛將軍儉字茂約禮部尚書特進莒國公八子松
齡太常卿同人司農少卿嘉會揚州刺史善識駙馬
都尉觀秘書監皆尤顯者敏字季卿延濮青汴邠等

州刺史生守臣爭臣契弟和後魏兗州刺史善識生

欽欽生龍驤將軍歡生二政後周安東太守二政

生規雲中守酒泉公規生世宗隋洛陽令生璿璿生

休璟

按休璟乃洛陽令諳之子諳乃世宗之子此璿字誤

相中宗休璟生先慎

按唐世系表先慎作先審

先擇修忠修孝履直諮字守仁後魏晉

昌太守生子化

按唐世系表諸生揣字子化此生字下疑有脫文

子化生儼

東海太守儼生輪青州太守輪生永後周儀同三司平

壽達公陵生怡懿防怡字君長內史大夫漢陽公懿

字君德隋隨相二州刺史防工部員外郎生君侯儀

正休正編

按唐世系表防子君侯貞休貞儀貞休生誠誠生次字文編中書舍人次生扶此編

字上有脫字

中書舍人次生扶持扶字雲翔福建團練使

生嶠字仲申嵩字替休持字德守容管經略朔方昭

義節度使檢校戶部尚書生彥譙字茂業河中興元

節度副使晉絳閩壁四州刺史號鹿門先生陵弟瓌

後周臨淄文獻公嘗賜姓万紐于氏隋初復本姓五

子詮諒則歆弘弘字君裕職方郎生簡炎皎皎字本

明尚書左丞益州長史七子如珪字令問祕書郎如玉字令德河南府兵曹參軍不占字思義金部員外郎不佞字思直考城令之武字知言懷集令之奇字知子給事中舉兵討武后亂者季孝

按季孝唐世系表作遺孝

字

幼忠益州倉曹參軍

益州一作汴州

皎弟臨字本德雍州長

史工刑兵禮吏戶六尚書四子旦字曉明太子中舍

晃字正明晉州長史景字廣明河南府士曹參軍昇

字高明邢州司功參軍景生給事中紹字遵業驪山

講武時以軍容不整被誅紹生朝徹字宣慈

棠

出自姜姓齊大夫棠公食采棠邑其子無咎隨母適
崔武子以棠為氏

郎

出自姬姓魯懿公孫費伯帥師城郎因居之子孫氏
焉郎魯邑也春秋魯莊公築臺於郎季武子築郎囿
即其地漢有郎舍後漢郎顗字稚光北海人石趙司

空郎安丘又含五世孫魏伏波將軍芳徙居中山新市縣後燕有秘書監郎敷五代梁有軍將郎公遠

琅

姓苑云齊有琅過

狼

晉大夫狼暉齊大夫狼蘧䟽之後又河南狼氏後魏官氏志叱奴氏改焉

倉

漢文帝時為吏者長子孫掌倉吏亦以倉為氏魏倉
慈字孝仁為燉煌太守民夷稱其德惠唐貞觀所定
果州武都郡七姓一曰倉

按急就篇作黃帝史官倉
頡之後左傳周有倉葛又

漢倉公姓淳
于號倉公

蒼

出自高陽氏才子八人天下謂之八愷其一曰蒼舒
後世以字為氏漢江夏太守蒼英因官居焉遂為江
夏人

剛

出姓苑宋有散祗候剛仁遇抵罪

桑

出自少皞氏一號窮桑子孫以桑為氏謹按王子年
拾遺記曰窮桑者西海之濱有孤桑之樹直上千尋
葉紅根紫萬歲一實食之後天而老白帝子與皇娥
泛於海上窮桑以贈答謂之桑中皇娥生少昊號曰
窮桑氏姓苑諸書皆曰出自嬴姓秦穆公時公孫枝

字子桑其孫以王父字為氏或單為桑氏齊大夫有桑掩胥漢御史大夫桑弘羊石晉宰相桑維翰河南洛陽人生大理司直坦左拾遺塤宋朝濟州鉅野桑氏河西節度使贊有傳生德昌德昂德莊並供奉官

喪

亦作喪

姓苑云人姓無定望元和姓纂說同謹按五代史桑維翰舉進士主司惡其姓以為桑喪同音則世宜有喪氏唯姓源韻譜以為楚大夫襄老後誤矣襄老姓

屈其後自為襄氏古人以奉葬為襄事亦不音喪不
宜附會而為之說也

康

出自姬姓周文王子封為衛侯謚曰康叔支孫以謚
為氏或云康叔初食米於康故謂之康叔其地潁川
康叔城是也南史康徇字長明華山藍田人其先出
自康居初漢置都護盡臣西域康居亦遣侍子待詔
河西因留不去其後遂氏焉晉時隴右亂遷於藍田

徇曾祖堅為符堅太子詹事生穆穆為姚萇河南尹
宋永初中率鄉族三千餘家入襄陽之峴南宋為置
華山郡藍田縣寄立於襄陽以穆為秦梁二州刺史
生絢伯元龍父元撫並為流人所推相繼為華山太
守絢司州刺史衛尉卿謚壯唐徐浩作康府君墓誌
云康叔子王孫牟謚康伯子孫為氏唐太學博士康
國安遠祖過江居丹陽又徙會稽國安崇文館學士
以明經高第供奉白獸門有集十卷又開元台州刺

史康希詵字南金有集二十卷希詵兄顯為修書學
士有辭苑麗則三十卷海藏連珠三十卷瀘州刺史
康元辯字通理有集十卷本朝避太祖廟諱改匡氏
為主氏政和間以民姓主為嫌並改為康氏

荒

出姓苑

鄭

謹按唐叛臣傳高駢故吏鄭師度收葬駢

黃

出自嬴姓少昊金天氏裔子曰昧為水官號玄冥師
生臺駘能業其官宣汾洧障大澤有功顯帝嘉之封
諸汾川其後為沈姒蓐黃四國以國為姓東周時黃
人出仕諸侯衛懿公有前驅將黃夷晉欒盈之黨有
黃淵是也齊威公霸諸侯黃人嘗會盟於貫於陽穀
魯僖公十二年楚滅黃其族遂仕楚春申君歇即其
後西京雜記曰古有東海黃公能制蛇御虎立興雲

霧坐成山河漢丞相霸太尉瓊世居江夏後漢尚書
令香居會稽餘姚香孫南陽太守子廉名守亮又居
零陵魏侍中權又居巴西香嘗為東郡太守又家東
郡唐貞觀所定號州江夏郡三姓泉州安南郡六姓
括州松陽郡三姓曹州東陽郡十一姓濮州濮陽郡
六姓皆有黃氏元和姓纂有江陵洛陽晉安三族皆
唐世士人新望

皇

風俗通云三皇之後非也謹按皇氏出自子姓宋戴
公子充石字皇父為宋司徒其孫南雍缺以王父字
為皇父氏或去父稱皇氏蓋古者冠字而六十稱父
別為兩氏於理有稽春秋時皇氏仕宋其族仕鄭在
宋者曰充石十世孫皇瑗為宋司徒生麋野般鄭麋
司徒野字子仲司馬食邑於鄭謂之鄭般又大司馬
非我右師緩皇國父皇奄傷皇伯皇懷仕鄭者曰皇
武子皇頡皇辰皇戌戌子皇耳元和姓纂曰吳青州

刺史皇象居江都後裔徙吳郡神仙傳有皇初平居
山陰隋上州刺史新豐伯皇冲自云漢皇運之後出
上洛

湯

出自子姓成湯之後以諡為氏五代有唐嵐州刺史
湯羣董昌偽相湯曰今望出范陽

汪

出自古諸侯汪芒氏之裔春秋時魯公為有嬖僮汪

錡

案汪錡左傳作錡檀弓作錡

能執干戈以衛社稷戰齊師死焉

孔子命魯人勿殤之唐歙州刺史汪華始居新安故
望出新安今歙歙之人十姓九汪皆華後也陳稷州
別駕汪剛陳亡自歙州徙河間又有河間汪氏

芒

出自商王帝芒之後史記魏有芒卯

臧

出自姬姓魯孝公子驅字子臧其孫以王父字為氏

一曰彊食采臧邑為臧孫氏

案公子彊左傳即稱臧僖伯此云彊字子臧其

孫始以王父字為氏則彊子達何以即稱臧哀伯服虔云庶公子則以配字為氏尊公族展氏臧氏是也禮記正義庶子以二十字為氏後世單為臧氏僖伯亦臧氏也惟通志謂以邑為氏

彊生哀伯臧孫達達生文仲臧孫辰辰生宣叔臧孫

許許生武仲臧孫紇及定伯臧為皆魯卿又昭伯賜

頃伯會臧賔如臧疇臧賈臧石臧堅皆魯大夫後漢

二十八將城門校尉朗陵侯臧宮世居潁川又有烈

士臧洪晉有臧混六世孫榮緒居東莞莒縣唐羽林

大將軍臧懷亮居天水故望出潁川東莞天水

囊

出自芊姓楚莊王公子貞字子囊其孫瓦字子常為
令尹以王父字為囊氏

印

後蜀李壽攻朱提以印攀為前鋒姓范云出自穆公
子印後以王父字為氏

唐溪

後漢延篤從潁川唐溪典受左氏傳先賢行狀曰典
字季春秋左傳魯襄公二十二年齊侯伐衛齊大夫
狼遽䟽為右翼車右其字與晉狼曠之狼衛遽瑗之
遽同今姓書皆以狼為琅以遽為過而脫去䟽字起
於何承天一誤而後世疑偽相承至今未改雖林寶
能通春秋惜乎未嘗是正今如此類者皆駁去之

唐山

漢禮樂志有房中祠樂高帝唐山夫人所作常昭曰

唐山姓也

唐孫

世本祁姓唐堯之後其孫仕晉自為唐孫氏

堂邑

前漢張騫應募使月氏與堂邑氏奴甘父俱出隴西
注漢書音義曰堂邑氏漢人其奴名甘父騫後與胡
妻及堂邑父俱還漢上拜堂邑父為奉使君

棠谿

其先周大夫食邑棠谿謂之棠谿公後地入於楚故
吳王之弟夫槩王奔楚為棠谿氏其後字訛為唐谿
氏

當塗

後漢公孫述傳光武與述書曰圖讖云代漢者當塗
高東觀記曰姓當塗名高

蒼林

黃帝二十五子其一曰蒼林氏與青陽同為己姓

桑丘

漢有桑丘公著書五篇元和姓纂曰下邳有桑丘氏
謹按王子年拾遺記曰少皞號曰窮桑氏亦曰桑丘
氏六國時桑丘子著陰陽書即其裔也

桑扈

史記桑扈子古賢人英賢傳曰弘農有此氏

皇甫

出自子姓宋戴公曰生公子充石字皇父為司徒生

季子來來生南雍缺以王父字為氏缺六世孫孟之
生遇避地奔魯裔孫鸞漢興自魯徙茂陵改父為甫
後漢皇甫規字威明安定朝那人祖父稭度遼將軍
父旗扶風都尉又漢安定郡高生陵始居安陵裔孫
珍義資建二州刺史生嵩陵令文亮黃門侍郎文房
文亮生鏡幾鄰幾知常鄰幾太子洗馬生憬悰悰愉
愉生鏞字和卿太子少保鏞相憲宗生珪字德卿珪
生蘊字待價京兆萬年皇甫氏隋并州司馬誕生唐

民部尚書滑良公無逸字仁儉五代晉將皇甫遇甘陵將皇甫暉唐貞觀所定涇州安定郡六姓其一曰皇甫賈執姓氏譜謂之安定五姓魏定安定皇甫在乙門又舊滎陽四姓

皇子

元和姓纂曰莊子有皇子告敖

湯滂

唐武德時東女國王姓湯滂氏始遣使入貢高祖厚

報之

臧會

元和姓纂曰魯大夫臧須伯會之後別為臧會氏

臧文

元和姓纂曰魯大夫臧文仲後氏焉

--	--	--	--	--	--	--	--